



JU "SPORTSKO - REKREACIONI CENTAR" TEŠANJ

Adresa: ul. Patriotske lige 57 Žiro računi: 1412010001458751
74260 Tešanj BBI 3385502203485650
E-mail: jusrctes@bih.net.ba UNICREDIT BANKA
www.dvorana-tesanj.com
Tel/fax: 032 651-500 IDbr.: 4218543010006 PDV: 218543010006

Broj: 02 - 37/25

Datum: 29. 01. 2025. godine

IZVOD IZ ZAPISNIKA

Sa **šesnaeste (16.)** sjednice Upravnog odbora JU „Sportsko-rekreacioni centar“ Tešanj, održane 29.01.2025. godine (srijeda) u prostorijama Uprave, sa početkom u 16:15 sati.

Sjednici prisutni:

1. Adnan Lihić – predsjednik
2. Almir Hodžić – član
3. Alema Jabandžić Deljkić - član
4. Nusret Ogrić – direktor

DNEVNI RED:

1. Usvajanje Zapisnika sa 15. sjednice Upravnog odbora.
2. Analiza realizacije ciljeva iz Programa rada za 2024. godinu.
3. Razmatranje i usvajanje Plana i programa rada i Finansijskog plana za 2025. godinu.
4. Izvještaj o potraživanjima Ustanove sa 31.12.2024. godine.
5. Izvještaj Komisije za popis inventara sa 31.12.2024. godine.
6. Donošenje odluke o dodjeli ugovora za poslove Javnih nabavki u 2025. godini.
7. Donošenje odluke o nabavci vozila za potrebe JU SRC Tešanj.
8. Izvještaj komisije za provođenje javnog oglasa za najam poslovnog prostora u Sportskoj dvorani Jelah.
9. Razno.

Nakon što je Predsjednik konstatovao da su ispunjeni svi uslovi za održavanje sjednice, otvorena je 15. sjednica Upravnog odbora.

AD. 1.

Članovi Upravnog odbora su primili k znanju informaciju o naknadno izvršenim tehničkim korekcijama donešenih Odluka na 15. sjednici, a koje su izvršene po zahtjevu angažovanog advokata. Članovi su jednoglasno usvojili izvod iz zapisnika sa 15. sjednice, koji im je ranije dostavljen.

AD. 2.

Upravni odbor je razmatrao direktorov izvještaj o realizaciji postavljenih ciljeva u 2024. godini. **Glavni ciljevi i aktivnosti** JU "Sportsko - rekreacioni centar" Tešanj u 2024. godini su:

1. Organizacija turnira:

- 1.1. Turnir mjesnih zajednica – deseti po redu turnir mjesnih zajednica u malom nogometu, streljaštvu i stonom tenisu - **kraj 2024. i početak 2025. - REALIZOVANO**
- 1.2. Biznis liga u malom nogometu – **od oktobra do novembra - REALIZOVANO**
- 1.3. Teniski turnir srednjoškolaca – **maj - REALIZOVANO**
- 1.4. Turnir u basketu 3x3 – **juni ili juli - REALIZOVANO**

2. Organizacija besplatne škole plivanja – **juli i august - REALIZOVANO**

3. III faza zamjene kopelita sa PVC stolarijom – **u toku godine - REALIZACIJA U TOKU**

4. U saradnji sa Općinom izvršiti nabavku i postavku ledene površine za klizanje na otvorenom – **krajem godine - NIJE REALIZOVAN zbog visoke cijene zakupa i zbog teže izvodljivosti kako pravno tako i tehnički.**

Redovne aktivnosti - ciljevi i aktivnosti koji su kontinuirani tokom godine:

- ✓ Nesmetano održavanje časova TiZO uz realizaciju ugovornih obaveza
- ✓ Održavanje čistoće i ispravnosti sadržaja
- ✓ Iznajmljivanje termina iz sadržaja koji su u ponudi
- ✓ Održavanje Teniske lige rekreativaca
- ✓ Održavanje sajмова, takmičenja, koncerata i drugih događaja
- ✓ Nesmetano odvijanje sezone kupanja na Bazanima Kiseljak
- ✓ Aplikacije na javne pozive radi iznalaženja dodatnih sredstava
- ✓ Afirmacija Ustanove i njene ponude kroz web stranicu i facebook profil i druge izvore informisanja
- ✓ Praćenje uravnoteženosti prihoda i rashoda

Dugoročni ciljevi i aktivnosti:

- Preuzimanje i održavanje poligona „Gimnazija“ – **REALIZACIJA U TOKU**
- Promjena podloge i rekonstrukcija grijanja u velikoj dvorani
- Izgradnja zatvorenog bazena (do 2027. – shodno Strategiji razvoja Općine Tešanj)
- Preuzimanje upravljanja Sportskom dvoranom Jelah (nakon njenog završetka) - **REALIZOVANO**

Upravni odbor je jednoglasno usvojio prezentovani izvještaj.

AD. 3.

Upravni odbor je razmatrao Plan i program rada sa finansijskim planom za 2025. godinu. Direktor je prezentovao plan, te je napomenuo da se isti u finasijskom smislu znatno razlikuje od plana za prethodne godine, jer je Ustanova dobila na upravljanje Sportsku dvoranu Jelah. Napomenuo je da je projekcija prihoda i rashoda rađena na osnovu analize cjenovnika, te da može doći do odstupanja u realizaciji. Veliki uticaj na finansijski plan će imati i povećanje minimalne plate, jer su plate 4 uposlenika JU SRC Tešanj ispod minimalne zagarantovane plate, te se shodno tome trebaju izvršiti korekcije. Upravni odbor je nakon analize planova i postavljenih ciljeva u 2025. godini, jednoglasno donio Odluku o usvajanju Plana i programa rada sa finansijskim planom za 2025. godinu. Također, donešen je zaključak na finansijski plan, kojim je predviđeno da se vrši analiza budžeta, te da se u slučaju potrebe donese rebalans budžeta.

AD. 4.

U okviru ove tačke Upravni odbor je razmatrao izvještaj popisne komisije o potraživanjima JU SRC Tešanj sa 31.12.2024. godine. Potraživanja Ustanove su većinom u okviru razumnih rokova, te nema potrebe za pravnim aktivnostima za naplatu istih. Komisija je konstatovala da je potraživanje kupca Ženski košarkaški klub sa šifrom 424 nenaplativo zbog gašenja kluba, te je predložen otpis duga u iznosu od 140 KM. Upravni odbor je nakon analize jednoglasno usvojio izvještaj o potraživanjima JU SRC Tešanj, kao i Odluku o otpisu potraživanja za kupca ŽKK sa šifrom 424.

AD. 5.

Upravni odbor je upoznat su provedenim popisom inventara i imovine sa stanjem na dan 31.12.2024. godine, koji je provela komisija imenovana od Upravnog odbora. Jednoglasno je usvojena odluka kojom se usvaja izvještaj o popisu, te se vrši otpis inventara, koji je označen kao neupotrebljiv. Izvještaj popisne komisije se nalazi u prilogu zapisnika.

AD. 6.

Direktor je prisutne upoznao sa ponovnom potrebom angažovanja saradnika za poslove Javnih nabavki u 2025. godini. Upravnom odboru je predloženo da se ponovo angažuje Omahić Muamer, pod istim uslovima kao i prethodne godine. Isti će biti angažovan na poslovima praćenja procedura, pripreme dokumenata i obaveznom izvještavanju na portalu Agencije za javne nabavke uz poštovanje procedura Zakona o javnim nabavkama uz akcenata na praćenje izmjena pomenutog zakona. Upravni odbor je jednoglasno donio Odluku o dodjeli ugovora o djelu pod istim uslovima kao i ranijih godina.

AD. 7.

Upravni odbor je razmatrao direktorov prijedlog o nabavci vozila za potrebe JU SRC Tešanj. Nakon što je Ustanova dobila na upravljanje Sportsku dvoranu Jelah, stvorila se još veća potreba za nabavkom vozila, koje bi služilo za potrebe JU SRC Tešanj. Planirana je nabavka polovnog vozila, čija cijena ne bi prelazila 15.000 KM bez PDV-a, a direktor će uputiti zahtjev ka Osnivaču za sufinansiranje nabavke. Upravni odbor je jednoglasno podržao ovakvu inicijativu, te je donio Odluku o nabavci vozila za potrebe JU SRC Tešanj, te je zadužio direktora da nakon provedenih procedura Javne nabavke informiše Upravni odbor.

AD. 8.

U okviru ove tačke Upravni odbor je razmatrao izvještaj komisije za provođenje Javnog oglasa najam poslovnog prostora u Sportskoj dvorani Jelah. Komisija je konstatovala da nije bilo prijavljenih na javnom oglasu. Upravni odbor je ovaj izvještaj primio k znanju, te je usvojio sljedeći zaključak: Zadužuje se komisija da ponovi Javni oglas pod istim uslovima, sa rokom trajanja od 15 dana.

AD. 9.

Pod ovom tačkom nije bilo rasprave.


Predsjednik je zaključio sjednicu u 18:00 sati.

Dostavljeno:

1. Članovima Upravnog odbora 1-3;
2. Direktor;
3. Općini;
3. Arhiva;



Predsjednik Upravnog odbora:


Adnan Lihic, dipl. ing. maš.